



## Վահան Թեքեյան

### Իմ վերջին սերս . . .

Իմ վերջին սերս, օ՛հ, այնքան առաջինին դեռ նման,  
Սիրտս դեռ տաք է քեզմով ու կտանիմ քեզ հիմա  
Ջգուշաքյլ, երկյուղած՝ մոխրի մը պես սրբազան  
Ուրկե փյունիկ մը հառնել ու դեռ տանջել զիս կրնա . . .

Իմ վերջին սերս, օ՛հ, թռչո՛ւն չորս օր ապրած, չորս գիշեր,  
Իմ և անոր աչքերուն, շարժումներուն ալ միջև,  
Եվ մատնված տանջանքի, երբ դեռ հագիվ կբխեր  
Երգին աղբյուրը կուրծքեն, հագի՛վ բացած էր ան թև . . .

Ի՛նչպես անուշ եղար դուն և ան ի՛նչպես կրցավ քեզ  
Խոցել բառով մը միակ, երբ մոտեցր քիչ մ'իրեն,  
Ինք որ տեսած էր զքեզ, քեզի ժպտած հեռուն . . .  
Եվ դուն ի՛նչպես, վերջին սեր, եղար խոնարհ, եղար հեզ,  
Ի՛նչպես անձայն, անպաշտպան ծոեցիր վիզդ ու ինկար,  
Ի՛նչպես մնաց սրտիս մեջ քու մահու ճիշդ երկար . . . :